



ПОДКАРПАТСКИЙ БАНК в УЖГОРОДѢ ПЛОЩА МАСАРИКА 11.

ОСНОВНЫЙ КАПИТАЛ 5.000.000 К.

ФІЛІЮ МАЕ В АМЕРИЦѢ ПОД ФІРМОЮ:

„American Foreign Exchange Bank“ of Mc. Keesport, Pa.

В МУКАЧЕВУ Головна улиця (дом Мукачія)
а також В ЯСЕНЮ.

ТЕЛЕФОН:

№ 47.



Чек конт. почт. щадн.

№ 2978.

ЦІЛЬ БАНКУ:

- а) Матеріально и морально подпирати наш бѣдний руській народ.
- б) Здобыти матеріальну независимость для Подкарпатской Руси.
- в) Забезпечити богатство (скарби, сокровища) Карпатов для всѣх наших Русинов.

Взагалъ заниматися буде банк всѣми дѣлами и вопросами, которыми тисячами народа мож забезпечити роботу, заробок и добробыт.

Особливо заниматися буде наш банк: Дисконтацію векслив, веденем бѣжучих рахунков, позичок вкладами, закупом товаров, промыслом, торговлею, господарством, поставленям фабрик и заводов.

РУСИНЫ АМЕРИКАНЦѢ УВАЖАЙТЕ!

Наш банк переведе вам найдешевше замѣну долларов, драфтов и чеков. За вкладки платить банк 4%о. — У всяких финансовых (гроплевых), господарских вопросах, хто ся до нас обернє ОДПОВѢМЕ БЕЗПЛАТНО.

ПОДКАРПАТСКИЙ РУСИНЫ!

Подпирайте свой одинокій руській банк, свою власну інституцію,

Се ваша слава, честь и будучность.

УПРАВА ПОДКАРПАТСКОГО БАНКА.

Число 6.

Ужгород, юній 1922.

Рочник II.

БЛАГОВѢСТИНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить раз в иѣсяць.

АДРЕС:
редакції и експедиції:
REDAKCIJA „BLAHOVISTNIK“
Užhorod, Kapitulska, 3.

ПРЕДПЛАТА:
на рок 10 К
одно число 1 К
За границу 15 К
До Америки 25 с (1/4 Д)

ОБЯВЛЕНИЯ
принимаются по цѣнѣ
за 1 сторону .. 120 К
за 1/2 сторону.. 75 К
за 1/4 сторону .. 50 К

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІЯН БОКШАЙ.

Христіянска пресса.

Кто бы не знал, что на Подк. Руси по революції толь-ко много новинок появилось, что селянин майже часу не має всіх перечитати. До революції только двѣ руськѣ газеты (Наука и Недѣля) оріентовали публику о дѣлах случившихся в свѣтѣ и дуже-дуже рѣдко сталося, что дагде появилася книжка, печатана на русском языцѣ. Днесъ же из дня на день новѣ новинки, нозѣ книжки, навѣть и новѣ печатнѣ повстають для ширенія культуры и просвѣты меже подкарпатским руським народом.

Но жаль не о каждой новинцѣ можеме казати, что она служить таким благородным цѣлям. Однѣ из них (як на пр. Русская Земля, Правда, Правосл. Вѣстник,) относяться враждебным духом к нашему христіянскому свѣтогляду, ширять неспокойствіе меже народом и ведуть завзяту борьбу против нашей гр. као. православной вѣры. Отбивати напады сей нехристіянской прессы и спиняти єѣ шкодливое влѣяніе только одним способом можно, что уже и Лев XIII. вручив: против злой прессы поставить добру прессу, мѣсто нехристіянских газет, христіянскѣ новинки дати в руки читателей.

Хвала Богу, уже не только в заграничных державах, но и в нашей Подк. Руси маєме досить сильну христіянску прессу. „Свобода“ и коло ней „Благовѣстник“ в первом ра-

Сторона 2.

„БЛАГОВѢСТИК“

Рок 1922.

дѣ фронта держать прапор обороны христіянских правди отбивають пады ворогов церкви. Сих борцов вѣры нашей отцевской подперати есть повинностю каждого свѣдомого русина — христіянина, кому дорога вѣра, отечество и христіянскѣ нравы. Но если они утихнутъ, если ворогам удастся их збить, тогда на Подк. Руси завладѣе нехристіянска пресса и тогда можемъ потягнути звоны над нашою вѣрою и нравственостю.

Наша дѣятельность против нехристіянской прессы має быти двоякого напряма.

1. Не читати, не предплатити, не куповати таку новинку, або книгу, котра пише против нашей вѣры. Се уже забороняв св. апостол Павел, котрый видѣвше як гублять побожність обывателей города Ефеса злѣ книжки, повелѣв зносити всѣ злѣ книжки до купы и на головной площеади спалити. От того часу и св. Мати Церков забороняє читаня и куповання злых писем. Не кажѣмъ, что менѣ не шкодить читаня таких книг и новинок! Еще минувшого столѣтія сталося, что на смерть осудили одного разбойника Петра Вассера. Перед смертю своею заявив судіямъ слѣдуюче: „Сочиненіе Штраусса (безбожный нѣмецкій писатель) довело мене до такой смерти. До того часу я вдячно молився, любив вѣру и жив вдоволено. Но от коли почав-ем читати злѣ книжки и новинки, от того часу вымерла в мнѣ вѣра, я жив без вѣры и с таким свѣтоглядом не отстрашив ся навѣть от убийства“. И если посмотриме нашу Подк. Русь, кто бы не зналъ, яку велику роль играютъ газеты, книжки в том смутном дѣлѣ, что розкол, схизма, вѣроломство и разбойництво уже такъ великъ успѣхи мають меже руським народом.

Если также не хочеме, чтоб над нами цѣлком запановав сей нехристіянскій, шизматицкій напрям, если не хочеме мы самъ утратити нашу милу вѣру, держме ся до того, что та-къ новинки не будеме читати и не будеме на них предплатити. Но кто еще свої гроші дає на сякъ новинки, тот як бы сам хотѣвъ, чтобы шизма и большевизм чим скорше перемогли нашу гр. кає. вѣру и нашу народность, и чим больше людей, наших братов затягнули у душевну пропасть.

2. Друга наша повинност читати, розпространяти и материально подперату Хр. прессу Подк. Руси. Священик не може всягды пойти и понести с собою науку христіянску,

его дѣятельность теперь менше-больше обмежена на церков и школу ; но новинка пойде и там, де священика не е, де священик сам не годен пойти, и понесе с собою христіянску науку, утѣшеніе, одушевленіе, и тым людям, котрѣ до церкви не ходять, або слово Божіє не чують. Христіянска новинка подає вѣсти из цѣлого свѣта и одушевляє под гнетом шизматицким терплящих русинов с тым, что в заграницных державах уже христіянскій свѣтогляд пануе и что уже на Востоцѣ юнае схизма, что и в самой Ческослов. Республицѣ пробуджається христіянский напрям. Христіянска пресса подає добрѣ доказы, аргументы нашей гр. као. прав. вѣры, опровергає порожнѣ накиды схизматиков и открыє темну роботу и діявольскѣ цѣли схизматицкой агитації.

Кому мила вѣра, кто хоче, чтобы Божа воля и вѣра дарствовала и на Подк. Руси, тому першою повинностю буде, читати, розпространяти и подперати христіянску прессу подкарпатских русинов. **Б.**



Римскѣ отцы и богослужебнѣ книги.

Богослужебнѣ книги суть обясненіями вѣры Христової, в них содержається, ож як св. Мати Церков от початку вѣровала и як вѣрить она и диссъ. В нынѣшных религійных борьбах дуже интересантное буде посмотретьти, что стоять в святых книгах Церкви о св. Петрѣ, якое ученіе содержається в них

о римских папах, словом что было и что есть ученіе богослужебных книг о нынѣшних спорных вопросах. Низше приведенъ урывки собранъ из „Мѣсячных миней“ офиціальной россійской Церкви, а не из наших богослужебных книг, чтобы тым лѣпше выяснилася твердость наших доказов.

1. Передовсѣм что есть ученіе св. богослужебных книг о св. Петрѣ?

16-го января,: (Праздник: поклоненіе честным веригам св. и всехв. ап. Петра.) „Днесъ нам основаніе Церкви, Петр, камень вѣры, предлагає честныя свои вериги... Законы Христовы утвердил еси, и пребезаконнующія благозаконію научил еси, яко апостолов верховный, яко догматов основаніе недвижимо. Верховного и первого апостолов Петра великого восхвалим. Апостолов Верховниче, блаженнѣйше Петре, Рима не оставль, к нам пришел еси честными веригами, жже носил еси апостолов первопрестольне“.

29-го юнія, (праздник св. ап. Петра и Павла.) „Петре, апостолов основаніе, каменю Хр. Церкви, христіяному начало, паси овцы твоего добра славно; агнцы твоя сохрани от волков льстивых, избави стадо твое от напастей лютых... Верховнѣйшаго апостолов днесъ воспоем... Кими похвальными вѣнцы увязем Петра и Павла — оваго убо, яко апостолов преднаачальника, оваго же яко паче иных трудившася“.

Словом самъ собственъ книги богослужебнѣ шизматиков признаютъ и доказываютъ, что Спаситель поставилъ св. Петра головным пастырём своей церкви и что слова Христовѣ: „Ты еси Петр и на сем камени созижду Церков мою. И тебѣ дам ключи Ц. небесного“ такъ должны ся разумѣти, як переданіе найвышой власти Церковной одному, св. Петрови. Читавши сесъ богосл. книги шизматицкой Церкви, ди смѣвъ бы дакто еще отрицати, что св. Петро не быв намѣстником Христовым и что всѣ от него отступающеся находяться внѣ Христового стада?

Рок 1922.

„БЛАГОВѢСТИК“

Сторона 5.

2. Богослужебнѣ книги свидѣтельствуютъ также о гла-
венствѣ наслѣдниковъ св. Петра, римскихъ папъ.

25-го новембра празднує св. Церковь память св. Клименты
папы римского. В Минеѣ о немъ се читаеме: „Петра верхоннаго
ученикъ, Отче, бывъ, на камени того создалъ священноначальникъ
явилъ ся еси... Новый Петръ, Петрови престола преемникъ
показалъ ся еси, просвѣщая всю тварь“.

18-го апрѣля такъ величає св. Церковь Папу Льва: „Яко
тъ именуемъ, богоухновенне? Главу-ли Православ-
ныя Церкви Христовы? Проповѣдника-ли истины и
основаніе твердо, Старѣйшину верховнаго собора честнаго?
Петра верховного престола наслѣдникъ былъ еси... Петра
честнаго преемникъ и сего начальствомъ обогативъ ся, уста
заградилъ еретикамъ“.

14-го апрѣля спѣває св. папъ Мартину: „Что тя нынѣ,
Мартине, провѣщаємъ? Православныхъ ученикъ настав-
ника всеславна, верховника священныхъ повелѣній не-
ложна... Сый исполненъ всеблажене божественнѣ ревности
собралъ еси священъ, Мартине соборъ и церковное ут-
вердилъ еси ученикъ. Якоже левъ, на беззаконныя дерзости
наскочилъ еси, Феодора и Сергія, и Петра и сихъ единомыш-
ленныхъ отлучая от Христовы св. Церкви, украсивъ
Петровъ божественный престолъ...“

Видите якъ сама восточна (шизматицка) церковь величає
римскихъ папъ въ своихъ богослужебныхъ книгахъ! Называє ихъ
новыми Петрами, верховниками и старшинами и предводи-
телями соборовъ и св. отцовъ, навѣть и главами православ-
ной Христовой Церкви. Что еще желає ся въ доказательство
верховенства римскихъ папъ? Если мы гр. каѳ. православнѣ
богохульники, за то, что мы папу видимою головою Хр.
Церкви держиме, тогды правѣ такимъ богохульникомъ має бы-
ти и цѣла восточна (шизматицка) Церковь, бо и она головою
Церкви называє папу Льва а Силвестра, Григорія и дру-
гихъ. Никто не може намъ запретити, за видимою головою
Церкви держати римскихъ папъ, коли шизматики само то
учать въ ихъ богослужебныхъ книгахъ.



Лѣкарь, кто дурницю говорить. На собранію лѣкарів въ Мукачевѣ 4-го юнія еден изъ „твѣрдыхъ“ лѣкарів д-р. Петригала, посмѣлився таку дурницю твердити, что „отъ коли русины отреклися отъ схизмы и перешли на гр. каѳ. вѣру, начинается на Подк. Руси сильна мадяризациѣ.“

1. Таку глупость лишь тотъ годея говорити, кто зовсѣмъ не знає нашу исторію. Бо кто бы не зналъ что „кривославіе“ всягды, где укоренилося меже народомъ, съ собою принесло глубокій упадокъ культуры и народной просвѣты. Якій культурный бывъ Востокъ, доки съ Западомъ одну вѣру державъ, а теперь лежить якъ одно мертвое тѣло. И у насъ на Подк. Руси лишь отъ того часу начинается развитокъ и просвѣта, отъ коли лишились отъ розкола и ступилисме на соединеніе. Всѣ историки такъ россійскѣ, якъ нѣмецкѣ и иншѣ признаютъ велику культурну роботу одного Декамелиса, Бачинскаго епископовъ, заслуги чина св. Василія и гр. каѳ. духовенства.

Всѣмъ, котрѣ знаемъ тайнѣ цѣли угнетающей мадярской политики, извѣстно, что насильствена мадяризациѣ мадярскихъ шовинистовъ наибольшу перепону нашла всегда въ Римѣ, котрый не дозволивъ ни новый календарь, ни мадярской літургії, ни перемѣненіе буквъ церковныхъ книгъ. И новѣйше выйшовъ розказъ изъ Рима, чимъ запрещено по мадярски отправити службу Божу въ самой мадярщинѣ гр. каооликамъ мадярамъ и русинамъ и должнѣ вернутися на старославянскій (руській) языкъ.

Без Рима, уже давно зазвонили бы были над руськостю Подк. Руси.

2. Историчным фактом е, что руськое населеніе мадярской низины, около Дебрецина змадяризовалося еще до принятія „Унії“. До унії жадна школа не существовала на Подк. Руси, из священиков ледви кто знати да читати писати, народ жив як скот в дичинах и не мав жадной народной свѣдомости. Национальна свѣдомость начинає ся с церковным соединеніем. Если се п. Петригала не вѣруе, най позвѣдає от известного петроградского историка Петрова, кто и то повѣсть ему, что правѣ унія и через ню заведенѣ школы и культура спиняла найлѣпше ширеніе мадяризациі.

3. На послѣд звѣдаемеся, де были и что робили для отбиванія мадяризації тоты шизматики, котрѣ теперь с таким повным горлом кричать? Де быв п. Петригала и пан Гомичкоф? Коли мы туй основали культурнѣ товариства: Общество св. Васілія Вел. в Ужгородѣ, Общество св. Іоана Крест. в Пряшевѣ, першу руську друкарню „Уніо“ в Ужгородѣ, чтобы даяк поддержати руськость межи мадярами, коли издавалисме книги, учебники, новинки, чтобы не пропало руськое слово под Карпатами, они тогды спокойно сидѣли в мадярских городах, або далеко за Дунаем и боялися предплатити нашѣ руськѣ газеты, бо они тогды были лояльнѣ мадярскѣ „газафики“, а Боже заваруй, не такѣ вонячѣ русини, як тотѣ попы там в Ужгородѣ и Пряшевѣ!

Зато дуже паскудное дѣло калом обкидати туту вѣру, котра найбольшу заслугу мае в подержанію руськости нашего народа. Головно не красно от таких „октоберрусинос“ як и Петригала и другій лѣкарь В. Гомичков. Ваша робота зубы рвати, а не мѣшатися у такое дѣло до котрого не разумѣете.

Обѣцянка ганка, а дурному радость. Лучанскѣ шизматики видячи, что на певно утратять право за розбойницку грабеж лучанской гр. кає. церкви, с всѣми силами агитують, ходять як ширшуны в сусѣдных селах, розширяючи шизму. Думають небораки, что если удастся им и других завести в блуд, тогды кару законно осуждену размечуть и на сих, и так им не треба буде только много (250,000 К.) платити.

Обѣщають им горы и долины: новѣ церкви, фары будовати, реперовати, звоны купити, новѣ иконостасы, заставы, образы поставить, навѣтъ и звѣзды из неба принести, лиш перестати на шизму и им даяк улегчити выплату огромной грошевой кары за их злочин. До теперъ обѣдано:

в Кучовѣ нову церков будовати,
в Лохсвѣ нову фару и три звоны даровати,
в Калнику реперовати церков,
в Кузминѣ новѣ звоны дати,
в Нижн.-Визницях нову церков поставить и т. д.

Як о сем дозналися Вавилонскѣ обыватель, заявили лучанским, что и они радо переидуть на тверду „православну“ вѣру, если лучане збудують им totu турню, котру их предки не могли довершити.

Мы удивляемся, что лучане только грошей мають, однакож цѣкаво чекаеме, вотки они выплатять totu 250,000 кор. кару, котра уже затабелована на их телеки!? Честе собѣ варили, то маете вы самѣ зѣсти, не думайте, что прикликанѣ гостѣ мѣстѣ вас заплатять дорогу гостину. Русины, держите ся розуму чтобы и вас не затягли брехачи у баламуту!

Ученый батюшка. В Калинѣ (ж. марм.) також найшла своих прихильников нова вѣра, котрой апостолом став якійсь батюшка, бывшій кочѣш, Рацин. Словом діявол и там засѣяв меже чисту пшеницию куколь. Рацин посмѣливсяступити и на казательницю и просвѣщати своих вѣрников с тою наукой, котру он приобрѣв коло коней. Меже прочими сесе говорив. „І. Хр. перед вознесенiem своим послав апостолов на цѣлый свѣт, и они пошли у Азію, Африку, Европу и Америку...“. Неборак Рацин, что ты дурницѣ говориш? Та де была открыта Америка за часов апостолов? Ты не знаеш, что каждый дѣтвак знае из исторіи, что Америку открыв (найшов) Кристоф Колумбус 1492. году, т. е. 1492. роками позднѣйше, як Христос жив на сем свѣтѣ. Та як бы могли апостолы там пуйти; ачей не думаеш, что апостолы за 1492. роков жили? Або думаеш что из казательницы русинови хоть якъ дурницѣ мож балакати. Хиба таким русинам, якъ суть твої вѣрники!

Рок 1922.

„БЛАГОВѢСТИК“

Сторона 9.

Словѣдь для розбйников. Кто бы не тямив на Шугая и на его банду, котру удалися жандарам розбити и предводителя застрѣлити. По смерти Шугая его товариши увидѣвши, что уже конець розбйничому животу, вернулися каждый в свое село и почали знов честно жити.

Но совѣсть им не дала покой. Она все неспокоила их, не мали ни ночи ни дня спокойного, грызла их постоянно, и часто пригадала им страшный Божій суд и пекельну кару за здѣланѣ злочины. В одном селѣ на Верховинѣ два такѣ бывшѣ бандиты жили, котрѣ страпно тѣрпѣли за здѣланѣ грѣхи. На сповѣдь не смѣли ити, бо ганьбилися счислити убийства многих особ, и боялися, что священик обовязує их нагородити здѣлану кривду и кару.

Что робити? На счастя пришло им на гадку, что в сусѣдном селѣ нова вѣра повстала и батюшка то проповѣдує, что сповѣдь каждому окрѣме не треба кончiti, но громадно, больше грѣшников в купѣ. Се правѣ для нас сповѣдь, думали розбйники и пошли до него. Батюшка взяв на себе епитрахил, прочитав грѣхи из одной книги, на конci чего всѣ грѣшники вїедно почали казати молитву: „За сія вся... жалую... обѣдяю...“. Сим кончено, готово, фертиг, достали разрѣшеніе и паспорт у царство небесное. Но та ци не файна сповѣдь? Файна, даже файна, айбо лиш для розбйников, котрѣ смѣють великѣ злочины зробити, айбо признati, покорно сповѣсти и отповѣдну покуту пріяти уже не смѣють! Думаете, что такое разрѣшеніе отворить розбйникам царство небесное, и дастъ им мѣсто в лонѣ Авраама?

Вот яка тверда tota „православна“ вѣра! Тверда, даже тверда для честных людей и мягка для розбйников.

И всѣх вас православных написав св. Василій Вел. и св. Іоан Злотоуст в службѣ Божій, от котрого часу св. церков и одно слово не перемѣнила в текстѣ св. службы. Но пришли агитаторы и почали брехати, что нашѣ священики зато кажуть сесе, бо себе не считаютъ православными, только людей на службѣ присутных. О яка глупость? Чоловѣк онъ за волося ся ємить, что суть такѣ люде, котрих сим мож збаламутити. И хотя против глупости — як каже одна по-

словиця — и самъ Боги дарьмо воюють, однакож попробуеме доказати, что се ишак и не мож казати, як „и всѣх вас...“

1. Так написали св. службу св. Отцы, Василій Вел. и Іоан Злотоуст. Се перемѣнити без дозвола апостолскаго престола не только ученым людям, но и неграмотным батюшкам не дозволено.

2. Если чоловѣк стоять перед громадою в церкви и обернется к народу, як ишак може их узвати, як сим словом: вы? Ци не так говориме на собраніях на пр. „Я пришов до вас, прошу вас терпеливо мене послухати и т. д. ци не быв бы дурак, кто бы начинав так говорити: „Я пришов до нас, прошу нас терпеливо мене послухати... Но агитаторы думали что народ глупый, и ему мож хотъ якъ дурницѣ забити у голову.

3. На концѣ пришли батюшки из чужины и незнаючи, чим бунтовники аргументовали и спѣвають на службѣ и они: и всѣх вас православных...“ (так было и в Русском и в Чаповцях). Ци не баламута? Звѣдае шизматик. Агитаторы сяк, а батюшка так. Но та сеся файна вѣра.

Знаете что раджу я батюшкам и шизматикам. Не кажѣть ни „всѣх нас“ ни „всѣх вас православных“, бо то не правда, айбо кажѣть: „и всѣх нас вѣроломников и отступников от Христовой вѣры, да приведет Господь Бог знов на покаяніе и назад у Христову церков Аминь“.



Легенда о смерти.

Начисав: Іоан Мацков.

Царь Соломон, могучий, мудрый и богатый Богодѣтель Израиля, мав богато слуг на своем дворѣ. Одного разу един з них, старый министер, сидѣв в предпокою и чекав на царя, которому мав предложити важну справу. Коли так задуманый

сидѣвъ, прійшла до предпокою нагло смерть. Побачивши ми-
нистра, станула перед ним, подивилася с дивованьем на не-
го, а оттак зникла в комнатах царя.

Не тревало то довго, як костиста смерть повернула. Побачивши ministra на давном мѣстѣ, опять задержала ся перед ним и почала вдивлятися с еще большим сивованьем. Minister зблѣд як стѣна из страху и не мог промовити нѣ слово. Смерть также нѣчо не сказала, але перейшла коло ministra и зникла за дверми.

Коли царскій слуга прійшов до себе, удав ся неклика-
ний до комнаты Соломона, котрому оповѣвъ, як то смерть два
разы перейшла коло него. Потому просив царя, чтобы той
дав ему скоро коня, ибо хоче утеchi перед смертю. Царь
усмѣхнув ся и выполнив бажанье ministra. Minister сѣв
на коня и так скоро втѣкав, что еще того самого дня над
вечером станув на границѣ обѣцяної землѣ.

Через цѣлу ноч їхав дальне, а на другій день рано
прибыв на велику пустыню. Коло полудня задержав ся при
скрутѣ дороги, коли нараз побачив сидячу на камени смерть.
Minister задрожав из перестраху.

Як то — отзвала ся смерть — ци то ты дѣйсно?
Коли вчера переходила я коло тебе в царской палатѣ, чу-
довалам ся дуже, видячи тебе там, позаяк я одержала припо-
рученье, чтобы тебе ту очековати в полудневой порѣ. Те-
пер здивовалам ся, побачивши тебе ту, вѣк в твоем вѣцѣ
мог в так коротком часѣ перелетѣти таку просторонь дороги.
Так говорила смерть и доткнула ся ministra костистою ру-
кою, который в той хвилѣ злетѣв с коня,

Для нас зводти наука, чтобы мы молили ся ибо не
знаеме дня и години нашої смерти.

Жаворонок.

Написав: о. Павло Штокалко.

Як Іисус Христос Спаситель
На крестъ терпѣв
То веселый жаворонок
Над крестом летѣв.

И спѣвав весяню пѣсню
Аж нараз затих,
Бо узрѣв, что Бог ѣмерає
Серед мук страшных.

Жаль обняв его серденько
И подлетѣв вмить
Чтоб Іисусу пану своему
Боль чим будь зменшить.

Оглянувшись, что глубоко
Вбив ся вже вѣнецъ
Отломив маленьким клювом
Терневый колецъ.

И отлетѣв радый 'з того
Что добро зробив,
А Іисус так жаворонка
Поблагословив:

„Жаворонку будь пророком
Теплоѣ восны
Голосочком милозвучным
Под небом звени

Най лунае все весною
Твой солодкій спѣв
Най загрѣє сердце того
Хто бы боль терпїв.

Будь щастливый и веселый
Горя не вазнай,
До престола моего в небо
Пѣсни засылай“.

НОВОСТИ.

— Священики! От мѣсяца юлія, каждый священик, кто найменше 10 предплатников зажене — уже получить „Додаток“ проповѣдей. Зато знов возываеме вас, чтобысте собирали предплатников на Благовѣстник, бо проповѣди только тот достане, кто до 1-го юлія зажене 100 корон. Проповѣди будут куртѣ, модернѣ и отповѣднѣ нынѣшним временам а писанѣ чистым народным языком. Подпоруйте нашу сю блогородну акцію и увидите что наибольшу корысть вы самъ будете из сего мати.

26 го мая умер. Покойный як духовный управитель семинаріи богословской за 30 роков занимався воспитаніем духовенства нашей епархіи. От 1904 рока, як каноник и школьный инспектор стояв на чолѣ школьных дѣл епархіи Мукачевской. На похоронах притомно было множество интелигентіи города столичного. Меже ними и вице-губернатор п. Петро Эренфельд. Похороны кончив Его Пресв. епископ, Антоній Папп. Желаеме ему блаженный покой и царство небесное.

† Вд. Анна Поганьова.

3-го

юнія

передала свою безсмертну душу Сотворителю. Еї имя має каждый щирых русин запамятати, бо она весь свой маеток по совѣту Спасителя передала нищим, сиротам Подк. Руси. Из еї маетка повстане перпій сиротинець на нашей земли под проводом монахинь чина св. Василія. За се она много

— Новый мараморошскій м.-архидіакон. Преосвященный епископ Іоанна Эгрешій, тячовского пароха, окр. намѣстника выименовав за м.-архидіакона Мараморошского.

† Феодор Матяцков
(1856—1922)

протоієрей
капитулы Мукачевской епархії

Рок 1922.

,БЛАГОВѢСТИК“

Сторона 13.

мала терпѣти из стороны ворогов русинов и гр. католиков. Будь спокойна благочестива душа, вороги твои утихнутъ, но благодарствена молитва русинов и гр. католиков николи не перестане над твоим гробом! Блаженый покой и вѣчная память!

— О. Стефан Митрович, парох намѣстник Малодобрянскій, на 69 году жизни и 42 году священства дня 5-го юнія умер. Блаженный им покой!

— Іонан Ситар, балажерскій гр. кат. учитель; Петро Андрашков, бывшій вульховскій гр. кат. учитель упокоился. Вѣчная им память!

— **Посвященіе звонов в Вел. Березном.** В Вел. Березном на Вознесеніе состоялося торжественное посвященіе звонов, котрѣ вѣрники достали от Американских братьев. На посвященіе звонов выйшов преосв. владыка Антоній, кого на всѣх стаціях радостно привитало множество народа. В Вел. Березном главный служный Сибер держав бесѣду к епископу, от имени вѣрников же намѣстник Меллеш. На посвященіе звонов прибыло много процессій из сусѣдных сел; в церкви св. проповѣдѣ преосв. владыка казав, вонка о. Єоан Скиба монах. На посвященіе звонов пришов и и. Блага, заступник вице-губернатора.

— **Чичерин и римскій отець.** Из таліянских новинок довѣдаемся о том, что Чичерин министр заграничных дѣл советской Росіи переговоры веде с таліянским правительством и має намѣреніе посѣтити папу в Римѣ и с ним переговорити церковнѣ дѣла Россіи.

— **Демонстрація чешских католиков.** На праздник Св. св. Духа католики упорядили великий конгрес в Прибрамѣ, на котором участвовали — як Cas подає — выше 60000 людей. Присутній быв и папскій нунцій Микара, дае министр Шрамек и другій министр др. Доланскій. На великому собранію одушевлено манифестовала сеся огромна толпа народа коло христіянских засад и требовала, чтобы христіянскій дух переняв цѣлый публичный, культурный и политичный живот чешского народа.

— **Большевики арестовали Тихона** московского патріярха и с ним много епископов и священиков. В интересѣ их вы-свобожденія Американскѣ католицкѣ епископы послали протест, до совѣтского правительства. Повторяется случай из 1918. года, коли на прошенія россійских епископов, XV. Бенедикт римскій отець у всѣх правительствах европейских про-

тестовав против переслѣдованія россійскаго духовенства.

— Греко и римо- католицка іерархія на цѣлом свѣтѣ представляется в слѣдующій способ: 70 кардиналов, 14 патріархов (из них 6 восточного обряда), 116 архіепископов, 864 епископов.

— Назад у Христову церков. Из Копашнього в послѣдних дніях пришла одна депутація до Ужгороду до вице-губернатора и заявили что от коли батюшкя их переслугує, не є ніякого порядка. Майже цѣлое село желає вернутися назад до старой вѣры и только маленька частина людей из ганьбы, та чтобы из сего хосна мали, держатся до шизмы. Правительство пообѣцяло им, что мѣсяця юлія вышло одну коммісію, котра передастъ церков гр. католикам.

— Благослови... любящія благолѣпіе дому твоему. Превосходну душевну радость дожили обователь села Солочина (ж. Берег) на праздник Сош. св. Духа, коли торжественно посвятили нововымальовану церков. Отправу кончив о. А. Дудинскій окр. намѣстник, в котором участвовали мѣстный парох о. В. Кофланович, о. Еум. Дулишкович, о. А. Товт, проповѣдь казав о. Ю. Дюрков. Под час

службы прекрасно спѣвали хор Плосковской гармоніи под проводом ревного вѣвцючика Іоанна Сидора. Туй маєме замѣтити, но не только замѣтити, айбо с отповѣдною увагою дати на знаня всѣм нашим читателям, что в сем торжествѣ наибольшу заслугу має один тамошній вѣрник Туряниця Михаил, кто из своих грошей 21000 корон дав на вымальовання церкви. Еще в великому Постѣ пошов до славного руського художника-маляра Вирага, перезнати за колько бы мог вымальовати церков. Коли маляр учув, что Туряница сам гоче вѣдь выdatки заплатити, доторгнутый великодушностю сего вѣрника, пристав на токму, за 21000 кор. и перебрав сейчас роботу. Красно характеризує покорность М. Туряници то, что коли по посвященію гостї хотѣли бы познакомитися с ним и щирим сердцем потиснути руку благородного жертвователя, не найшли дома, он пошов на отпуст до Вел. Березною. Видите, суть еще ревнѣ сыны нашей гр. каѳ. церкви, котрѣ серіозно беруть Божу славу, и даютъ свѣтлый примѣр любви и жертвовлюбія. Его память жити буде, доки священик в той церкви спѣвати буде: Благослови... любящія благолѣпіе дому твоему

Рок 1922.

„БЛАГОВѢСНИК“

Сторона 15.

го, а у Бога вѣки, бо як св. Оома Акв. пише: „Лѣпшій есть перед Богом покорный хлѣбороб, кто вѣрно служить Богу, як гордый мудрець, кто слѣдить Бога в звѣздах, а недбає с своею душою.“

— **Назад до истинной церкви.** Николай Павлишинович донскій козак оставил вѣру схизматицку и обратився до истинной церкви и вѣры Христовой до гр. као. церкви. Георгій Худак, евангелицкой вѣры принял вѣру гр. каєолицку в Блатной Ревищѣ.

Конкурс в Мукачевской епархії. Для желающих ступить в ряд богословов нашей епархіи конкурс оголошен на 4-го и 5-го юлія. Абсолвенты VI. и VП-го гимн. класы также могут подати свою просьбу о пріятіе в духовну семинарію, до 3-го юлія. Приложити нужно свидѣтельство школьнное, крестный лист и одно свидѣтельство от профессора религіи. — Оголоситься конкурс и до всѣх интернатов еп. Мукачевской, котрѣ до теперь из недостатку питомцов заперты были. Просьбы на стипендію И. Скунзе-

вичво и Ем. Поповича також на конкурсualной конвисторіи будуть трактованы. Условія находяться в еп. циркулярах або в газетѣ „Свобода“ ч. 48.

Конкурс. Монашескій чин оо. Василіян оголошує конкурс до новиціяту. Пріймають людей, котрѣ желають боротися о правду, мир и свободу Христа, так в своем сердцѣ, як серед широких кругов цѣлого нашего народа. Кандидаты должнѣ мати скончену IV. кл. гимн. с добрым успѣхом и талантом до студій богословія. 2, (або 3 лѣтний) курс філософіи и 4, (або 6 лѣтний) для докторских степеней богословія кончатъ молодѣ Василіяне або в Галичинѣ, або на заграницьких университетах. Из новиціяту може кандидат хоть коли, без перешкоды выступити, як бы не чув любви и охоты до монашеского житя. Молодѣ студенты! Міліоны руського народа ждутъ на вашу будучу працю! Найвашѣ молодѣ сердця не замыкають ся, коли учуете тихій голос Спасителя! Идѣть за покликом Христа, до прильжной апостолской працї!

Монастиръ оо. Василіян
в Мукачевѣ.

Подкарпатскій „Орел“. 11. юнія були всеобщѣ зборы подкарпатскаго „Орла“. За старосту выбрано сотника Вака, за заступника его Авг. Штефан, касир М. Щутко, секретарь Бенеш, выхователь В. Желтай, господарь Суховскій, начальник Пеняз, контролоры: Э. Бокшай и И. Муранъ. Смируючій суд: А. Волошин, М. Пунько и Н. Гавел. До теперь записалося около 50 членов. За члена можно записатися у кассира (ул. Капитулска ч. 9). Вступное 5 кор. Членскій побор мѣсячно 3 кор.

Россія. В Россіи большевики теперь забираютъ из церквей всѣ золотъ и серебренъ предметы, як чаши, ризы, кресты и т. д. та продаютъ, обы мали гроши на агитацию по других

державах. Назначают продавцев для продажи церковных предметов. На Польшу назначено: Абрагама Штернберга, АRONA Згріера и Юду Вассермана. Тоти три продавали церковнѣ чаши дня 27. мая в городѣ Гусятынѣ в Галичинѣ. Священники из Украины признали, что тоти чаши походили из церкви города Камяниця Подольского. Так то газдуютъ церковным добром комунисты. Так в Россіи як и на Українѣ ширить ся людоѣство, с которым правительство не в силѣ боротися. До того несчастя пришло еще другое, а то холера и чума. Описать той „рай“ большевицкій никто не в силѣ. Американска помоч охоронила восем міліонов людей от голода.

(Село)

ПЕРЕПИСКИ РЕДАКЦІИ.

Ем. К. и другим. Любиме вашѣ дописи; лиш просиме всегда подати точно имена особ и мѣст, словом точнѣ даты, чтобы не могли думати читатель что и мы с выдумками аргументуеме.

О. Д. Ю. Статя ваша довга; мусълисме ѿ покургити. Просиме и на дальше ваше содѣйствіе, головно вѣсти, апологетичнѣ статѣ и проповѣди. Поздоровленіе.